

HELAIAN PENDEDAHAN PRODUK	Etiqa General Insurance Berhad (“Kami”)
Baca Helaian Pendedahan Produk ini sebelum anda memutuskan untuk menyertai <b>Khas Perlindungan Kemalangan Kereta</b> . Pastikan juga anda membaca terma-terma dan syarat-syarat am.	<b>Khas Perlindungan Kemalangan Kereta</b> Tarikh : 01/03/2020

**1. Apakah produk ini?**

Produk ini merupakan pelan kemalangan diri yang direka khas untuk melindungi pemandu dan penumpang-penumpang dari kemalangan jalan raya semasa dalam perjalanan dengan kenderaan persendirian.

**2. Apakah perlindungan/manfaat yang diberi?**

Berikut adalah manfaat-manfaat Khas Perlindungan Kemalangan Kereta:

No	Manfaat-manfaat	Pelan 1 (RM)	Pelan 2 (RM)	Pelan 3 (RM)
1	Kematian akibat kemalangan	20,000	40,000	60,000
2	Kehilangan upaya kekal	Sehingga 20,000	Sehingga 40,000	Sehingga 60,000
3	Perbelanjaan perubatan	Sehingga 500	Sehingga 1,000	Sehingga 1,500
4	Perkhidmatan Auto Assist	*Sila rujuk kepada jadual polisi anda untuk maklumat manfaat lebih lanjut.		

Tempoh perlindungan adalah satu (1) tahun. Anda perlu memperbaharui polisi setiap tahun

**Nota:** Sila rujuk kontrak polisi untuk maklumat lanjut berkenaan manfaat-manfaat di atas.

**3. Berapakah premium yang perlu saya bayar?**

No	Tempat Duduk (termasuk pemandu)	Pelan 1 (RM)	Pelan 2 (RM)	Pelan 3 (RM)
1	5 tempat duduk	65.00	125.00	185.00
2	7 tempat duduk	83.00	161.00	239.00

- Semua premium (jika terpakai) akan tertakluk kepada caj-caj atau cukai-cukai yang berkenaan, sebagaimana yang dianggap perlu oleh pihak berkuasa cukai Malaysia. Adalah penting untuk anda menyimpan apa-apa resit yang anda terima sebagai bukti pembayaran premium.

**4. Apakah fi dan caj yang perlu saya bayar?**

Jenis	Amaun
Komisen dibayar kepada ejen	10% daripada premium
Cukai Perkhidmatan	6% daripada premium
Duti Setem	RM10.00

**5. Apakah terma-terma dan syarat-syarat penting yang perlu saya ketahui?**

**Kepentingan pendedahan**

- Menurut Perenggan 5 daripada Jadual 9 Akta Perkhidmatan Kewangan 2013, jika anda memohon insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Permohonan (atau semasa memohon insurans ini). Anda dikehendaki menjawab soalan-soalan dalam Borang Permohonan ini dengan lengkap dan tepat.
- Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda.
- Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.
- Sebagai tambahan kepada soalan-soalan di dalam Borang Permohonan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.
- Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Permohonan tidak tepat atau sudah berubah.

**Pembatasan Khas** - Penumpang-penumpang melebihi enam belas (16) tahun dilindungi 100% oleh manfaat insurans. Penumpang-penumpang yang berumur di antara tiga (3) dan enam belas (16) tahun berhak menerima 50% daripada semua manfaat yang disediakan. Tiada perlindungan diberi kepada kanak-kanak berumur kurang daripada tiga (3) tahun. Dalam keadaan di mana jumlah penumpang sebenarnya melebihi jumlah yang dinyatakan dalam pengakuan polisi, had liabiliti kami untuk seorang akan dikurangkan mengikut nisbah jumlah penumpang sebenarnya yang diakui. Had ini tidak diterimapakai kepada pemandu.

**Bayaran Sebelum Perlindungan (CBC)** – sumbangan hendaklah dibayar kepada kami atau ejen kami yang diiktiraf sebelum tarikh perlindungan polisi dikuatkuasakan.

**Tuntutan** – jika berlaku kemalangan yang membawa kepada tuntutan, anda hendaklah memberitahu kami dalam masa tiga puluh (30) hari daripada tarikh kemalangan itu berlaku.

**Nota:** Senarai ini tidak menyeluruh. Sila rujuk kontrak polisi untuk senarai lengkap terma-terma dan syarat-syarat.

**6. Apakah pengecualian-pengecualian utama di bawah polisi ini?**

- a. Melakukan sebarang perbuatan yang menyalahi undang-undang;
- b. Komplikasi kehamilan, bersalin, keguguran (kecuali keguguran disebabkan kemalangan) atau pengguguran anak;
- c. Membunuh diri, mencederakan diri sendiri dengan sengaja, pembunuhan atau serangan yang didorong/akibat provokasi;
- d. Dibawah pengaruh dadah, narkotik atau alkohol;
- e. AIDS atau kehadiran sebarang HIV;
- f. Keuzuran, penyakit, parasit, bakteria, atau jangkitan kuman ('antrax'), bakteria berjangkit, keracunan darah;
- g. Sebarang kecacatan fizikal atau kelemahan yang sedia-ada;
- h. Sebarang tindakan perang, mogok, rusuhan atau kekecohan awam, tindakan keganasan, kontaminasi radioaktif atau nuklear;
- i. Kemalangan berlaku ketika menaiki atau turun dari kenderaan orang yang diinsuranskan;

**Nota:** Senarai ini tidak menyeluruh. Sila rujuk kontrak polisi untuk senarai penuh pengecualian-pengecualian.

**7. Bolehkah saya membatalkan polisi saya?**

Anda boleh membatalkan polisi dengan memberi notis bertulis kepada kami. Atas pembatalan tersebut, anda boleh mendapat kembali sebahagian premium anda dengan syarat tiada tuntutan telah dibuat sepanjang tempoh insurans.

**8. Apakah yang perlu saya lakukan sekiranya terdapat perubahan maklumat perhubungan?**

Adalah penting untuk anda memaklumkan kepada kami tentang sebarang perubahan maklumat perhubungan bagi memastikan semua komunikasi sampai kepada anda tepat pada masanya.

**9. Di manakah saya boleh mendapatkan maklumat lanjut?**

Sekiranya anda memerlukan maklumat tambahan tentang insurans kemalangan diri, sila rujuk buku panduan maklumat infoinsurans yang boleh didapati di semua cawangan kami atau layari laman web [www.insuranceinfo.com.my](http://www.insuranceinfo.com.my)

Sekiranya anda mempunyai sebarang pertanyaan, sila hubungi kami di:

**Etiqua General Insurance Berhad (197001000276)**

(Dilesenkan dibawah Akta Perkhidmatan Kewangan 2013 dan dikawal selia oleh Bank Negara Malaysia)

Aras 13, Menara B, Dataran Maybank

No. 1, Jalan Maarof

59000 Kuala Lumpur, Malaysia

Nombor Telefon: +603 2297 3888

Nombor Faksimile: +603 2297 3800

Etiqua Oneline: 1300 13 8888

E-mel: [info@etiqua.com.my](mailto:info@etiqua.com.my)

Laman Web: [www.etiqua.com.my](http://www.etiqua.com.my)

**10. Lain-lain jenis perlindungan insurans kemalangan diri yang boleh didapati**

Sila rujuk kepada cawangan kami atau ejen kami untuk jenis perlindungan serupa yang ditawarkan.

**NOTA PENTING:**

**ANDA DINASIHATKAN MERUJUK SKALA MANFAAT UNTUK KEMATIAN DAN HILANG UPAYA DI DALAM POLISI ANDA. ANDA MESTI MELANTIK PENAMA DAN MEMASTIKAN PENAMA ANDA MENGETAHUI TENTANG POLISI INSURANS KEMALANGAN DIRI YANG TELAH ANDA BELI. ANDA MESTI MEMBACA, MEMAHAMI DAN BERBINCANG DENGAN EJEN ATAU HUBUNGI KAMI UNTUK MAKLUMAT LANJUT.**

Maklumat yang disediakan di dalam helaian pendedahan ini adalah sah pada 01/03/2020.